

neur le duc luy a ordonné avoir chascun an de luy en fief sa vye durant, à payer au jour saint Joerge, la some de 20 petit florins tournois du pris de 11 gros de Metz la pièce, vallant 17 fl. 8 gr. 8 d.

Gaiges de capitaines et chastellains: Monseigneur le conte de Porcien, seigneur de Croy, prent par an pour gaiges et pension come lieutenant-gouverneur et capitaine-général de Monseigneur le duc ès pays de Luxembourg et de Chiny, par vertu de lettres patentes de Monseigneur le duc quy en font 1000 fl. de Rin.

Messire Guillaume de Saint-Soigne, chevalier, lieutenant de Mons^r le conte de Porcien et par luy continuez à la garde de la forteresse de Pierrefort, prent chascun an sur ladite recepte générale de Luxembourg la some de 400 livres de 40 gros monnoie de Flandres la livre, que Monseigneur le duc, par ses lettres patentes données à Bruxelles le 2^e jour de novembre 1456, a ordonné audit seigneur de Croy prendre et avoir sur la recepte de Luxembourg des deniers venant à la garde de Verdun oultre et par-dessus les rentes et revenues de la terre appartenant audit Pierrefort pour la garde d'icelui; pour ce 400 florin

Guillaume de Gernant, escuyer, capitaine du chastel de Luxembourg, prent et que Monseigneur le duc par ses lettres patentes données à Bruxelles le 24^e jour de mars l'an 1461, luy a ordonné prendre et avoir sur ladite recepte de Luxembourg tant et sy longuement qu'il sera capitaine dudit chastel et qu'il plaira à mondit seigneur, pour chascun moys la some de 100 frans du pris de 32 gros monnoie de Flandre chascun franc, font par an 1200 frans, valent 960 florins.

Gaiges des président et gens du conseil à Luxembourg.

Le président du conseil à Luxembourg, maistre Jehan Lorfèvre, à présent chancelier de Brabant, prend chascun an sur ladite recepte général que mondit seigneur par ses lettres patentes données à Bruxelles le 27^e jour de may l'an 1458 luy a ordonné prendre sur ladite recepte, à cause dudit estat de président, oultre et par dessus les gaiges ordinaires qu'il prent come maistre des requestes de l'hostel de mondit seigneur, la some de 400 fl. de Rin.

Jehan de Boulay, seigneur de Soleuvre, conseiller de mondit seigneur, prent chascun an pour gaiges la some de 100 florin de Rin que mondit seigneur par ses lettres patentes données le 14^e jour de mars l'an 1451 luy a ordonné avoir chascun an come son conseiller, tant qu'il luy plaira sur ladite recepte de Luxembourg, pour ce 100 florin de Rin.

Guillaume de Boullant, seigneur de Rollers, conseiller, prent come dessus de mondit seigneur par ses lettres patentes données le 19^e jour d'octobre l'an 14... luy a ordonné prendre et avoir chascun an, tant qu'il plairast, la some de 100 florin de Rin.

Messire Jehan, seigneur de Beaufort, chevalier, conseiller, prent come dessus par lettres de Monseigneur le duc données le 2^e jour de novembre l'an 1455, sur ladite recepte de Luxembourg et tant qu'il plairast à mondit seigneur chascun an la somme de 100 florin de Rin.

Maistre Henry de Luxembourg, licentié en décretz, conseiller, prent aussy chacun an tant qu'il plairast à mondit seigneur, luy a ordonné par ses lettres patentes données le 28^e jour de janvier l'an 1457, prendre et avoir sur ladite recepte général de Luxembourg la some de 100 florin de Rin.

Messire Thiery de Bourscheit, chevalier, aussy conseiller, prent semblablement chascun an sur ladite recepte de Luxembourg et que ly sont ordonnées avoir par mondit seigneur tant qu'il luy plaira par ses lettres